



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413;
fax. +387 33 726 423
e – mail: info@voda.ba

Broj: **UP-1/21-3-40-009-8/24**
Datum: **17.06.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica CENGIZ INSAAT SANAYI VE TICARET A. S. Istanbul, R.Turska za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada mobilnog postrojenja za proizvodnju betona instaliranog za potrebe izgradnje autoceste Medakovo - Ozimice, lociranog na području općine Maglaj na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu CENGIZ INSAAT SANAYI VE TICARET A. S. Istanbul, daje se vodna dozvola za ispuštanje tehnoloških otpadnih voda u prirodni recipijent i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada mobilnog postrojenja za proizvodnju betona kapaciteta 90m³/h (privremenog karaktera) izgrađenog, na zemljištu označenom kao k.č. broj: 31 i 34/1 K.O. Strupina, općina Maglaj.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dostavljene dokumentacije, izvršenog uviđaja i utvrđenog činjeničnog stanja na objektu i pod sljedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.1. Da se objekti čija je svrha odvođenje i prečišćavanje onečišćenih voda (pravougaoni betonski taložni bazen, betonski kanali i slivnici, separator ulja i masti, glava ispusta i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.2. Da korisnik postrojenja za proizvodnju betona za sve vrijeme trajanja ove vodne dozvole, odnosno perioda rada betonare, obezbjeđuje da se vode od pranja vozila za transport betona, tehnološke opreme oborinskih voda sa radno-manipulativnih površina koje gravitiraju postrojenju prikupljaju putem kanala sa slivnom rešetkom i nesmetano odvođe do taložnika odakle nakon izbistravanja, preko preliva dalje odlaze do separatora ulja i masti sa prelivom u postojeći kanal.
 - 3.3. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne

kanalizacije («Službene novine Federacije BiH», broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.

- 3.4. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti («Službene novine Federacije BiH», broj 14/10, 14/13, 26/14, 15/17, 23/17 i 41/20).
- 3.5. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije.
- 3.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.7. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.9. Da se vrši redovno održavanje ispusta, dijela obale i korita lokalnog potoka kao i pristupa mjestu na kojem se nalazi ispust otpadnih voda iz predmetnog kompleksa.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. U periodu važenja ove dozvole, pravno lice je dužno provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice CENGIZ INSAAT SANAYI VE TICARET A. S. Istanbul obratio se dana 10.01.2024. ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 90 m³/h lociranog na zemljištu označenom kao k.č. broj: 31 i 34/1 K.O. Strupina, općina Maglaj.

U provedenom postupku za izdavanje vodne dozvole na raspolaganju je bila i pregledana je slijedeća dokumentacija:

A- Opšta dokumentacija:

- Ovjerena kopija Rješenja o registraciji podružnice stranog društva u sudski registar broj: 043-0-Reg-22-001310 izdatog dana 09.12.2022. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 28.12.2022. godine od strane Porezne uprave Federacije BiH-Kantonalni porezni ured Zenica,
- Kopija Ugovora o građenju br. JPAC 1397-B-138-22 na Koridoru Vc, dionica Medakovo – Poprikuše, poddionica Medakovo – Ozimice, zaključenog između investora JP Autoceste FBiH i Izvođač radova CENGIZ INSAAT SANAYI VE TICARET A. S. Istanbul, R Turska,
- Kopija Rješenja o urbanističkoj saglasnosti br UIP/03-23-2-22/15 od 01.09.2015 ID, Kopija Rješenja o izmjeni urbanističkoj saglasnosti br UIP/03-23-2-22/15 od 09.09.2015,
- Kopija Rješenja za građenje broj UP1-03-19-2-322/23 od 19.07.2023. godine donesana od strane Federalnog ministarstva prostornog uređenja;
- Kopija Rješenja o okolinskoj dozvoli br. UPI /2-23-11-144/19 od 27.09.2019. godine donesana od strane Federalnog ministarstva okoliša i turizma;
- Kopija Ugovora o izvođenju radova na odvozu i zbrinjavanju emulzionih ulja, otpadnog (rabljenog) ulja, starih filtera, zauljenih krpa i zauljenog otpada sa predmetne lokacije sa firmom „Delta petrol“ Kakanj d.o.o. broj. br. 0224/23 – DS;
- Kopija Ugovora o zakupu zemljišta označenog kao k.č. broj: 31 i k.č. 31/1K.O. Strupina, općina Maglaj zaključenog dana 20.04.2023. godine između CENGIZ INSAAT SANAYI VE TICARET ANONIM SIRKETI – Podružnica Zenica i Zlatić Stipo i Zlatić Niko,
- Stručno mišljenje Općine Maglaj o usklađenosti planiranih aktivnosti sa dokumentima prostornog uređenja Općine Maglaj broj 05-19-13-1661/23 od 20.11.2023;
- Kopija izvještaja br 1815/22 od 30.09.2022. o ispitivanju tehnoloških otpadnih voda na predmetnom lokalitetu, urađen od strane Inspekt RGH d.o.o. Sarajevo;
- Kopija izvještaja o inspekciji broj 1794/23 obavljenog 26.12.2023. urađen od strane „Inspekt – RGH“ d.o.o. Sarajevo;
- Izjašnjenje JP Autoceste FBiH broj 05-02311/24 od 15.02.2024. u vezi sa primjenom Zakona o autocesti na koridoru Vc;
- Izvještaj o rezultatima ispitivanja kvantitativnih karakteristika efluenta sa programom programom praćenja stanja voda (monitoring), Zagrebinspekt, Mostar izvještaj broj 01-2-123-III/24 od 20.03.2024. godine
- Kopija rješenja o izmjeni odobrenja za građenje broj broj UP1-03-19-2-322/23 od 18.03.2024. godine donesana od strane Federalnog ministarstva prostornog uređenja;
- Dokaz o uplaćenju federalnoj upravnoj pristojbi na zahtjev;

B- Tehnička dokumentacija:

Projekat Izvedenog stanja sistema otpadnih voda privremenog postrojenja za proizvodnju betona, izrađenog od strane ASI Inženjering d.o.o. Sarajevo;

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20 i 63/22) izvršen je uviđaj na prostoru proizvodnog pogona betonare sa pratećim sadržajima kapaciteta 90 m³/h lociranog na zemljištu označenom kao k.č. broj: broj: 31 i 34/1 K.O. Strupina, općina Maglaj i tom prilikom sačinjen Zapisnik o izvršenom uviđaju broj: UP-1/21-3-40-009-6/24 od 05.06.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Predmetni kompleks izgrađen je u naselju Strupine, općina Maglaj u sklopu gradilišnog naselja koje je za svoje potrebe formirao izvođač radova CENGIZ INSAAT SANAYI VE TICARET ANONIM SIRKETI i isti je privremenog karaktera i shodno svojoj namjeni ukloniće se nakon završetka radova na dionici Medakovo - Ozimice i lociranog općina Maglaj.
- Betonara se sastoji od čeličnih elemenata i koncipirana je kao slobodno stojeća konstrukcija oslonjena na betonske temelje. Pripadajuća oprema (dozatori, vage, spojni cijevni vodovi i sl) omogućavaju automatski rad i kontrolu proizvodnje;
- U sklopu betonare, a za potrebe prikupljanja i tretmana otpadnih voda izgrađen je separatan sistem kanalizacije.
- Snabdijevanje vodom betonare vrši se priključkom na sistem lokalnog vodovoda i urađena su ispitivanja kvaliteta vode koja se koristi.
- Tehnološke otpadne vode koje nastaju prilikom pranja miksera i druge procesne opreme i radnog platoa opterećene su suspendovanim materijama, ostacima cementa i agregata;
- Otpadne vode se lokacije betonare se odvođe putem kanala dimenzija 60x60 cm i odvođe do taložnika na mehanički tretman;
- Taložnik se sastoji od četiri prelivne komore. Ukupna dužina taložnika je 27,32 m, a širina iznosi 5,30 m. Dubina komora taložnika je 3,83 cm;
- Nakon taloženja otpadne vode se odvođe do separatora ulja i masti TIP 60 BP 6 sa bypassom kapaciteta 60 l/s. Separator je opremljen koalescentnim filterom što omogućava uklanjanje ulja i masti do 5 mg/l;
- Iz separatora ulja i masti prečišćene vode se ispuštaju preko revizionog okna koje služi kao monitoring okno u lokalni potok,
- Investitor je angažovao certificiranu laboratoriju „Inspekt RGH” d.o.o. Sarajevo da izvrši monitoring otpadnih voda sa predmetne lokacije. Rezultati analiza kvaliteta i kvantiteta otpadnih voda tj. izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente, u skladu sa odredbama Uredbe.
- Za potrebe čišćenja i održavanja kanalizacionog sistema, podnosilac zahtjeva je angažirao firmu „Delta petrol” Kakanj d.o.o.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja

obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva CENGIZ INSAAT SANAYI VE TICARET ANONIM SIRKETI ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, izgrađenog na zemljištu označenom kao k.č. broj: 31 i 34/1 K.O. Strupina, općina Maglaj, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Haris Ališehović, dipl.inž.građ.

 **Po ovlaštenju**
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- «CENGIZ INSAAT SANAYI VE TICARET ANONIM SIRKETI» – Kamp gradilišta
Gralovac bb, 74250 MAGLAJ,
- ⊙ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava